



UNIVERSITÄTS-  
BIBLIOTHEK  
PADERBORN

## **Davidis Regii Prophetæ Psalterium**

**Moritz <Hessen, Landgraf>**

**Smalcaldiae, 1593**

**VD16 B 3258**

Psalmvs L. Deus Deorum Dominus, &c.

---

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Sic horum fastus citò & effera corda peribunt,  
Mergetur stygiis gloriaq; omnis aquis.  
At Deus hanc animam vinclis dissoluet auerni,  
Me siquidem & causam suscipit ipse meam.  
Ne moueare, opibus si quis ditescat opimis,  
Fulgeat & splendor, gloria & alta domus.  
Aurea nulla etenim morientes vasa sequuntur,  
Nec comitabuntur gloria, laus & honor.  
His quia deliciis viuentes cum fruerentur,  
Omnibus hac visa est vita beata modis.  
Sic patrum insani vestigia cæca sequuntur,  
Nec veræ laudis lumina clara vident.  
Vsq; adeò verum est: Homo laude et honoribus au-  
Cui mens non sana est & pietatis eget: (ctus,  
Hic pecori similis, terrena hæc regna relinquit,  
Non illum nomen nec bona fama manet.*

PSALMVS L.

Deus Deorum Dominus, &c.

**C**onuocat Omnipotens hominum genus omne  
tremenda

Voce Pater, mundi partes Deus aduocat omnes,  
Solis ad occasum vox fertur Solis abortu

N 3

Maiestas

*Maestas Domini illustris de monte Sione.  
Emicat adueniens noster Deus, annè silebit,  
Cum tanto sonitu gentes sibi congreget omnes?  
Ignis edax ipsum præcedit, nec minus illum  
Flamma vorax sequitur, tempestas turbine seuo  
Et tonitru horribili cingit latera ardua Iouæ,  
Cælos & terras & cuncta creata vocauit,  
Judicet ut populos, ut prauos vindicet ausus,  
Utq; sui cætus possit cognoscere causam,  
Congregat ipse pios Dominus, qui sancta Iehouæ  
Pacta sui pluris faciunt, quàm cuncta holocausta.  
Iusticias Domini cælestis machina narrat,  
Ipse Deus Iudex atrociam crimina punit.  
Audi, inquit, iusti, popule, es qui semen Abrahæ,  
Auribus attentis hæc, quæ loquor, accipe & imis  
Sensibus Israël, quæ nunc tibi dico, reponas,  
Unicus en ego sum Dominus tuus atq; Iehoua,  
Me cole, meq; time, toto me dilige corde.  
Quid tua sacra mihi, qd fusa holocausta per aras,  
Quid duc mihi oblatis profunt libamina thuris?  
Non pingues equidem tauros nec posco iuuenços,  
Nec teneros hædos, pastos nec frugibus hircos.  
Sunt mihi tam volucres findentes æthera pennis,  
Grandia*

Grandia quàm cete, piscesq; per aquora nantes,  
Possideoq; feras sylvarum lustra colentes,  
Atq; armenta, metunt quæ morsu gramina campi:  
Deniq; tot pecudum, quot millia montibus errant,  
Sunt mea: nullus amor stomachū mihi tentat edē  
Et meus est omnis terrarum tractus et orbis. (di,  
Nec tamen aut vescor vitulorum carne boumūe,  
Vllius aut hirci bibo gutture & ore cruorem.  
Quin potius mihi tu grates afferto precesq;  
Sacrificansq; Deo laudem, tua reddito vota,  
Meq; voca implorans, cum te labor et dolor angit.  
Tunc tibi succurram, tunc ereptusq; periculis  
Tu laudes celebrato meas, mihi dicitō grates.  
Pono: his alloquitur Deus impia pectora verbis:  
Quid tibi vis? quæ iura doces mea? cur mea iactās  
Fœdera cū sanctis pacta immūdo ore prophanas?  
Cum sis contemtor legis, pietatis & osor,  
Cum sis scortator fœdus, cum turpis adulter,  
Cum socius furum sis, cum tibi vera negare,  
Falsa loqui, nullus pudor & sit summa voluptas?  
Afficiensq; probris fratrem, conuitia spargas?  
Hæc facis, atq; tui similem fore me quoq; fingis.  
Quandoquidem tacui: at tristis te pœna manebit,  
Hoc

Hoc saltem vos scite, Deum qui spernitis ipsum,  
Non leue supplicium de vobis sumere velle,  
Cum rapiã, inquit, ego vos, nulla mihi eripiet vis.  
At mihi sacrificans laudem me glorificabit,  
Hac via monstrat iter verã portumq̃ salutis.

PSALMVS LI.

Miserere mei Deus, secundùm &c.

**M**itis vt es, placido miserum me respice vultu,  
Peccati maculas abluere corde meo.

Redde meum pectus patrato à crimine purum,  
A me tolle, Pater, tu scelus omne, Deus.

Nempe tibi fateor soli scelus omne patratum,  
Et peccata tibi detego cuncta Deus.

Te solum offendi, moui tua numina ad iram,  
Ergo mei admissi criminis vltor eris.

Namq̃ tuum nequeo diuinum fallere numen,  
Tu solio è summo conspicias omne scelus.

Ecce ego conceptus matris peccator in aluo,  
Criminibus cumulo facta patrata nouis.

¶ Ast verax tuus est sermo, veracia verba  
Veracisq̃ probans cordis & oris amas.

Ergo meum hyssopo cor queso asperge, Ichoua,

Vt ni